




第一三八七册

四庫全書

●上海古籍出版社

本冊目次

石倉歷代詩選(二)

明曹學佺編……………一

欽定四庫全書

集部
石倉歷代詩選卷二

詳校官廉吉_臣范逢恩

侍讀_臣孫球覆勘

總校官進士_臣朱 鈐

校對官中書_臣嵇承志

膳錄監生_臣高 鏡

欽定四庫全書

集部八

石倉歷代詩選

總集類

提要

_臣等謹案石倉歷代詩選五百六卷明曹學
佺編學佺有周易可說別著錄是編所選歷
代之詩上起古初下迄於明者也凡古詩十
三卷唐詩一百卷拾遺十卷宋詩一百七卷
金元詩五十卷明詩初集八十六卷次集一

欽定四庫全書

石倉歷代詩選
提要

百四十卷舊一名十二代詩選然漢魏晉宋
南齊梁陳魏北齊周隋實十一代既錄古逸
乃綴於八代之末又併五代於唐併金於元
於體例名目皆乖刺不合故從其板心所題
稱歷代詩選於義為諧所選雖卷帙浩博不
免傷於糅雜然上下二千年間作者皆畧存
梗槩又學佺本自工詩故所去取亦大都
乖風雅之旨固猶勝貪多務得細大不捐者

金代惟錄元好問一人頗為疎漏意其時毛

晉所刊中州集河汾諸老詩猶未盛行故學

怪未見歟其列於元詩之首亦以一代祇一

人不能成集也據千頃堂書目學餘所錄明

詩尚有三集一百卷四集一百三十二卷五

集五十二卷六集一百卷今皆未見殆已散

佚然明自萬厯以後繁音側調變而愈速故

論者等諸自鄧無譏是本止於嘉隆正為明

詩之極盛其三集以下之不存正亦不足惜

矣乾隆四十五年十一月恭校上

總纂官 紀昀 陸錫熊 孫士毅

總校官 陸費墀

欽定四庫全書

石倉歷代詩選

二

欽定四庫全書

石倉歷代詩選卷一

明 曹學佺 編

古詩一

漢四言詩

四皓采芝操

皓天蒼蒼谷遠迤樹木萋萋高山嵬嵬巖居穴處以

為懷茵膳膳紫芝可以療飢唐虞往矣吾當安歸

王昭君怨詩

秋木萋萋其葉萎黃有鳥處山集于苞桑養育毛羽形

容生光既得升雲上游曲房離宮怨曠身體摧藏志念

抑沈不得頡頏翩翩之燕遠集西羌高山我裁我河水決

決父兮母兮道里悠長嗚呼哀哉憂心惻傷

張衡怨篇

猗猗秋蘭植彼中阿有馥有芳有黃其葩雖曰幽深厥

美彌嘉之子之遠我勞如何

欽定四庫全書

石倉歷代詩選

一

秦嘉述舊詩

羣祥既集二姓交歡敬茲新昏六禮不愆羔雁總備王
帛交交君子將事威儀孔閑猗兮容兮穆矣其言

其二

紛彼婚姻禍福之由衛女興齊寢妣滅周戰兢兢懼
德不仇神啓其言果獲今攸我之愛矣荷天之休

贈婦

曖曖白日引曜西傾啾啾難雀羣飛赴楹皎皎明月煌

欽定四庫全書

石金馬代詩選

二

煌列星嚴霜悽愴飛雪覆庭寂寂獨居寥寥空室飄飄
桂帳榮榮華燭爾不是居帷帳何施爾不是照華燭何
為

樂府隴頭歌

隴頭流水流離四下念我行役飄然曠野登高望遠涕
零雙墜隴頭流水鳴聲幽咽遙望秦川肝腸斷絕

漢五言詩

內篇

蘇武詩四首

骨肉緣枝葉結交亦相因四海皆兄弟誰為行路人況
我連枝樹與子同一身昔為鴛鴦今為參與辰昔者
常相近遊若胡與秦惟念當乖離恩情日以新廣鳴思
野草可以喻嘉賓我有一樽酒欲以贈遠人願子留斟酌
叙此平生親

其二

結髮為夫妻恩愛兩不疑歡娛在今夕燕婉及良時征
夫懷往路起視夜何其參辰昏已沒去去從此辭行役
在戰場相見未有期握手一長歎淚為生別滋努力愛
春華莫忘歡樂時生當復來歸死當長相思

其三

黃鳥一遠別千里顧徘徊胡馬失其羣思心常依依何
況雙飛龍羽翼臨當乖幸有絃歌曲可以喻中懷請為
遊子吟冷冷一何悲絲竹厲清聲慷慨有餘哀長歌正
激烈中心愴以摧欲展清商曲念子不得歸

其四

石金馬代詩選

三

燭燭晨明月被被秋蘭芳馨良夜發隨風聞我堂征
夫懷遠路遊子戀故鄉寒冬十二月晨起踐嚴霜俯觀
江漢流仰視浮雲翔良友遠別離各在天一方山海隔
中州相去悠且長嘉會難再遇歡樂殊未央願君崇令
德隨時愛景光

李陵與蘇武詩三首

良時不再至離別在須臾屏營衢路側執手野踟躕仰
視浮雲馳奄忽互相踰風波一失所各在天一隅長當

欽定四庫全書

石倉歷代詩選
卷一

從此別且復立斯須欲因晨風發送子以賤軀

携手上河梁遊子暮何之徘徊躑躅路側悵悵不能辭行
人難久留各言長相思安知非日月弦望自有時努力
崇明德皓首以為期

嘉會難再遇三載為千秋臨河濯長纓念子悵悵悠遠
望悲風至對酒不能酬行人懷往路何以慰我愁獨有
盈觴酒與子結綢繆

班婕妤怨歌行

新製齊紈素皎潔如霜雪裁成合歡扇團團似明月出
入君懷袖動搖微風發常恐秋節至涼飈奪炎熱棄捐
篋笥中恩情中道絕

卓文君白頭吟

皚如山上雪皎若雲間月聞君有兩意故來相決絕今
日斗酒會明旦溝水頭蹀躞御溝上溝水東西流淒淒
復淒淒嫁娶不須啼願得一心人白頭不相離

班固詠史

欽定四庫全書

石倉歷代詩選
卷五

三王德薄惟後用肉刑太倉令有罪就逮長安城自
恨身無子困急獨號號小女痛父言死者不可生上書
詣闕下思古歌難鳴憂心摧折裂晨風揚激聲聖漢孝
文帝惻然感至情百男何憤憤不如一縱紫

蔡邕飲馬古城窟行

青青河邊草綿綿思遠道遠道不可思宿昔夢見之夢
見在我傍忽覺在他鄉他鄉各異縣展轉不可見枯桑
知天風海水知天寒入門各自媚誰肯相為言客從遠

方來遺我雙鯉魚呼兒烹鯉魚中有尺素書長跪讀素書書中竟何如上有加飧食下有長相憶

翠鳥

庭隙有若榴綠葉含丹榮翠鳥時來集振翼修容形回顧生碧色動搖揚綵青幸脫虞人機得親君子庭馴心託君素雌雄保百齡

酈炎見志詩

靈芝生河洲動搖因洪波蘭榮一何晚嚴霜瘁其柯哀哉二芳草不植泰山阿文質道所貴遭時用有嘉絳灌臨衡宇謂諠崇浮華賢才抑不用遠投荆南沙抱玉乘龍驥不逢樂與和安得孔仲尼為世陳四科

秦嘉留郡贈婦詩

人生譬朝露居世多屯蹇憂虞常早至歡會常苦晚念當奉時役去爾日遙遠遣車迎子還空往復空返省書情悽愴臨食不能飮獨坐空房中誰與相勸勉長夜不能眠伏枕獨展轉憂來如循環匪席不可卷

徐淑答秦嘉詩

妾身今不令嬰疾今來歸沈滯今家門歷時今不差曠廢今侍觀情敬今有違君今今奉命遠適今京師悠悠今離別無因今叙懷瞻望今踴躍佇立今徘徊思君今感結夢想今容暉君發今引邁去我今日乖恨無分羽翼高飛今相追長吟今永歎淚下今沾衣

諸葛亮梁甫吟

步出齊城門遙望蕩陰里里中有三墳累累正相似問是誰家墓田疆古冶子力能排南山文能絕地紀一朝被讒言二桃殺三士誰能為此謀國相齊晏子

無名氏長歌行

青青園中葵朝露待日晞陽春布德澤萬物生光輝常恐秋節至焜黃華葉衰百川東到海何時復西歸少壯不努力老大徒傷悲

又

岩岩上山亭皎皎雲間星遠望使心思遊子戀所生歟

車出北門遙觀洛陽城
凱風吹長棘
夫夫枝葉傾黃鳥
飛相追咬
咬弄音聲
佇立望西河
泣下沾羅纓

傷歌行

昭昭素明月
輝光燭我牀
憂人不能寐
耿耿夜何長
微風吹闌闌
羅帷有飄揚
攬衣曳長帶
展履下高堂
東西安所之
徘徊以傍徨
春鳥翻南飛
翩翩獨翱翔
悲聲命儔匹
哀鳴傷我腸
感物懷所思
泣涕忽沾裳
佇立吐高吟
舒憤訴穹蒼

欽定四庫全書

石倉歷代詩選

八

古八變歌

北風初秋至
吹我章華臺
浮雲多暮色
似從崦嵫來
枯桑鳴中林
緯絡響空階
翩翩飛蓬征
陰陰遊子懷
故鄉不可見
長望始此回

古詩十九首

行行重行行
與君生別離
相去萬餘里
各在天一涯
道路阻且長
會面安可知
胡馬依北風
越鳥巢南枝
相去日已遠
衣帶日已緩
浮雲蔽白日
遊子不顧返
思君令

人老歲月忽已晚
棄捐勿復道
努力加餐飯

青青河畔草
鬱鬱園中柳
盈盈樓上女
皎皎當窗牖
娥紅粉粧
纖纖出素手
昔為倡家女
今為蕩子婦
蕩子行不歸
空牀難獨守

青青陵上柏
磊磊澗中石
人生天地間
忽如遠行客
斗酒相娛樂
樂聊厚不為薄
驅車策馬游戲宛
與洛洛中何鬱鬱
冠帶自相索
長衢羅夾巷
王侯多第宅
兩宮遙相望
雙闕百餘尺
極宴娛心意
戚戚何所迫

欽定四庫全書

石倉歷代詩選

九

今日良宴會
歡樂難具陳
彈箏奮逸響
新聲妙入神
令德唱高言
識曲聽其真
齊心同所願
含意俱未申
人生寄一世
奄忽若飈塵
何不策高足
先據要路津
無為守窮賤
軋軋長苦辛

西北有高楼
上與浮雲齊
交疏結綺窗
阿閣三重階
上有絃歌聲
音響一何悲
誰能為此曲
無乃杞梁妻
清商隨風發
中曲正徘徊
一彈再三歎
慷慨有餘哀
不惜歌者苦
但傷知音稀
願為雙鴻鵠
奮翼起高飛

涉江采芙蓉蘭澤多芳草采之欲遺誰所思在遠道還
顧望舊鄉長路漫漫浩浩同心而離居憂傷以終老

明月皎夜光促織鳴東壁玉衡指孟冬衆星何歷歷白
露霑野草時節忽復易秋蟬鳴樹間玄鳥逝安適昔我
同年友高舉振六翮不念攜手好棄我如遺跡南箕北
有斗牽牛不負輒良無磐石固虛名復何益

冉冉孤生竹結根泰山阿與君爲新婚免然附女蘿免
然生有時夫婦會有宜千里遠結婚悠悠隔山岐思君
欽定四庫全書
石倉代詩選
十

令人老軒車來何遲傷彼蕙蘭花含英揚光輝過時而
不采將隨秋草萎君亮執高節賤妾亦何爲

庭中有奇樹綠葉發華滋攀條折其榮將以遺所思馨
香盈懷袖路遠莫致之此物何足貴但感別經時

迢迢牽牛星皎皎河漢女纖纖擢素手札札弄機杼終
日不成章泣涕零如雨河漢清且淺相去復幾許盈盈
一水間脉脉不得語

迴車駕言邁悠悠涉長道四顧何茫茫東風搖百草所

遇無故物焉得不速老盛衰各有時立身苦不早人生
非金石豈能長壽考奄忽隨物化榮名以爲寶

東城高且長遠迤自相屬迴風動地起秋草萎已綠四
時更變化歲暮一何速晨風懷苦心蟋蟀傷局促蕩滌
放情忘何爲自結束燕趙多佳人美者顏如玉被服羅
裳衣當戶理清曲音響一何悲絃急知柱促馳情整巾
帶沈吟聊躑躅思爲雙飛燕銜泥巢君屋

驅車上東門遙望郭北墓白楊何蕭蕭松柏夾廣路下
欽定四庫全書
石倉代詩選
十一

有陳死人杳杳即長暮潛寐黃泉下千載永不寤浩浩
陰陽移年命如朝露人生忽如寄壽無金石固萬歲更
相送賢聖莫能度服食求神仙多爲藥所誤不如飲美
酒被服紬與素

去者日以疎來者日以親出郭門直視但見丘與墳古
墓塋爲田松栢摧爲薪白楊多悲風蕭蕭愁殺人思還
故里閭欲歸道無因

生年不滿百常懷千歲憂晝短苦夜長何不秉燭遊爲

樂當及時何能待來茲愚者愛惜費但為後世嗤仙人

王子喬難可與等期

凜凜歲云暮蟋蟀夕鳴悲涼風率已屬遊子寒無衣錦
衾遺洛浦同袍與我違獨宿累長夜夢想見容輝良人
惟古歡枉駕惠前綏願得常巧笑携手同車歸既來不
須失又不處重聞亮無晨風翼馬能凌風飛眇眇以適
意引領遥相睇徒倚懷感傷垂涕沾雙扉

孟冬寒氣至北風何慘慄愁多知夜長仰觀衆星列三

欽定四庫全書

石堂先生詩集

卷一

五明月滿四五蟾光缺客從遠方來遣我一書札上言
長相思下言久離別置書懷袖中三歲字不滅一心抱
區區懼君不識察

客從遠方來遣我一端綺相去萬餘里故人心尚爾文
彩雙鴛鴦裁為合歡被著以長相思緣以結不解以膠
投漆中誰能別離此

明月何皎皎照我羅牀悵憂愁不能寐攬衣起徘徊客
行雖云樂不如早旋歸出戶獨徬徨愁思當告誰引領

還入房淚下沾裳衣

古詩

悲與親友別氣結不能言贈子以自愛道遠會見難人
生無幾時顛沛在其間念子棄我去新心有所歡結志
青雲上何時復來還

穆穆清風至吹我羅衣裾青袍似春草長條隨風舒朝
登津梁山寒棠望所思安得抱柱信皎日以為期

蘭若生春陽涉冬猶盛滋願言追昔愛情款感四時美

欽定四庫全書

石堂先生詩集

卷一

人在雲端天路隔無期夜光照玄墜長歎念所思誰謂
我無憂積念發狂癡

橘柚垂華實乃在深山側聞君好我甘竊獨自雕飾委
身玉盤中歷年冀見食芳菲不相投青黃忽改色人儻
欲我知因君為羽翼

新樹蘭蕙葩離用杜蘅草終朝采其華日暮不盈把采
之欲遺誰所思在遠道馨香易銷歇繁華會枯槁悵望
何所言臨風送懷抱

步出城東門遙望江南路前日風雪中故人從此去我
欲渡河水河水水深無梁願為雙黃鶴高飛還故鄉

擬蘇李詩

紅塵蔽天地白日何冥冥微陰盛殺氣淒風從此興
招搖西北指天漢東南傾嗟爾穹廬子獨行如履冰
襁褓中無緒帶斷續以繩瀉水置瓶中馬辨淄與澠
巢父不洗耳後世有何稱

漢五言詩 外篇

欽定四庫全書

石倉歷代詩選

十四

張衡同聲歌

邂逅承際會得充君後房情好新交接恐慄若探湯不
才勉自竭賤妾職所當綢繆主中饋奉禮助丞嘗思為
莞蒨席在下蔽匡牀願為羅衾幃在上衛風霜灑掃清
枕席親芬以狄香重戶結金局高下華燈光衣解巾粉
御列圖陳枕張素女為我師儀態盈萬方衆夫所希見
天老敬軒皇樂莫斯夜樂沒齒馬可忘

辛延年羽衣郎

昔有霍家奴姓馮名子都依倚將軍勢調笑酒家胡
姬年十五春日獨當爐長裾連理帶廣袖含歡襦頭上
藍田玉耳後大秦珠兩鬟何窈窕一世良所無一鬟五
百萬兩鬟千萬餘就我求清酒絲繩繫玉壺就我求珍
肴金盤脍鯉魚貽我青銅鏡結我紅羅裾不惜紅羅裂
何論輕賤軀男兒愛後婦女子重前夫人生有新故貴
賤不相踰多謝金吾子私愛徒區區

宋子侯董嬌娘

欽定四庫全書

石倉歷代詩選

十五

洛陽城東路桃李生路傍花花自相對葉葉自相當春
風東北起花葉正低昂不知誰家子提籠行采桑纖手
折其枝花落何飄颻請謝彼姝子何為見損傷高秋八
九月白露變為霜終年會飄墜安得久馨香秋時自零
落春日復芬芳何時盛年去歡愛永相忘吾欲竟此曲
此曲悲人腸歸來酌美酒挾瑟上高堂

陌上桑

日出東南隅照我秦氏樓秦氏有好女自名為羅敷羅

數善盤桑來桑城南隅青絲為籠條桂枝為籠鈎頭上
倭墜警耳中明月珠綰綺為下屢貳綺為上襦行者見
羅敷下擔捋髭鬚少年見羅敷脫帽著幘頭耕者忘其
犂鋤者忘其鉏來歸相怨怒但坐觀羅敷使君從南來
五馬立踟躕使君遣吏往問是誰家姝秦氏有好女自
名為羅敷羅敷年幾何二十尚不足十五頗有餘使君
謝羅敷寧可共載不羅敷前致辭使君一何愚使君自
有婦羅敷自有夫東方千餘騎夫婿居上頭何用識夫
欽定四庫全書

石金唐代詩選

十六

相逢行

相逢狹路間道隘不容車不知何年少夾轂問君家君
家誠易知易知復難忘黃金為君門白玉為君堂堂上
置梅酒作使邯鄲倡中庭生桂樹華燈何煌煌兄弟兩

三人中子為侍郎五日一來歸道上自生光黃金絡馬
頭觀者盈道傍入門時左顧但見雙鴛鴦鴛鴦七十二
羅列自成行音聲何難雖鶴鳴東西廂大婦織綺羅中
婦織流黃小婦無所為挾瑟上高堂丈人且安坐調絲
方未央

隴西行

天上何所有歷歷種白榆桂樹夾道生青龍對道隅鳳
皇鳴啾啾一母將九雛顧視世間人為樂甚獨殊好婦
出迎客顏色正敷愉伸腰再拜跪問客平安不請客北
堂上坐客擅觀能清白各異樽酒上正華疏酌酒持與
客客言主人持却畧再拜跪然後持一杯談笑未及竟
左顧勅中厨促令辦粗飯慎莫使稽留廢禮送客出盈
盈府中趨送客亦不遠足不過門樞取婦得如此齊姜
亦不如使婦持門戶亦勝一丈夫

步出夏門行

邪徑過空廬好人常獨居卒得神仙道上與天相扶過

欽定四庫全書

石金唐代詩選

十七

謁王父母乃在泰山隅離天四五里道逢赤松俱攬轡
為我御將吾天上遊天上何所有歷歷種白榆桂樹夾
道生青龍對伏跌

艷歌行

翩翩堂前燕冬藏夏來見兄弟兩三人流蕩在他縣故
衣誰當補新衣誰當綻賴得賢主人攬取為吾紐夫塔
從門來斜倚西北隅語卿且勿眄水清石自見石見何
景繁遠行不如歸

欽定四庫全書

石倉歷代詩選

十一

又

南山石嵬嵬松栢何離離上枝拂青雲中心十數圍洛
陽發中梁松樹竊自悲斧鋸截是松松樹東西推持作
四輪車載至洛陽宮觀者莫不數問是何山材誰能刻
鏤此公輪與魯班被之用丹漆薰用蘇合香本是南山
松今為宮殿梁

古詩

上山采靡蕪下山逢故夫長跪問故夫新人復何如新

人雖言好未若故人殊顏色類相似手爪不相如新人
從門入故人從閣去新人工織纈故人工織素織纈日
一匹織素五丈餘將纈來比素新人不如故

四坐且莫喧願聽歌一言請說銅鑪器崔嵬象南山上
枝似松栢下根據銅鑪離文各異類離婁自相聯誰能
為此器公輪與魯班朱火焚其中青煙颺其間從風入
君懷四坐莫不歡香風難久居空令蕙草殘

欽定四庫全書

石倉歷代詩選

十一

十五從軍征八十始得歸道逢鄉里人家中有阿誰遙
望是君家松栢塚累累免從狗竇入雉從梁上飛中庭
生旅穀井上生旅葵烹穀持作飯采葵持作羹羹飯一
時熟不知貽阿誰出門東向望淚落沾我衣

漢七言歌行

高帝大風歌

大風起兮雲飛揚威加海內兮歸故鄉安得猛士兮守

四方

武帝秋風辭

秋風起兮白雲飛草木黃落兮雁南歸蘭有秀兮菊有芳懷佳人兮不能忘汎樓船兮濟汾河橫中流兮揚素波簫鼓鳴兮發棹歌歡樂極兮哀情多少壯幾時兮奈老何

昭帝黃鵠歌

黃鵠飛兮下建章羽肅肅兮行跼跼金為衣兮菊為裳
唼喋荷荇出入葦葭自顧菲薄愧爾嘉祥

靈帝招商歌

欽定四庫全書

石金鹿代詩選

三

涼風起兮日照渠青荷晝偃華夜舒惟日不足樂有餘
清絲流管歌王危千年萬歲嘉難踰

落葉哀蟬曲

羅袂兮無聲玉墀兮塵生虛房冷而寂莫落葉依于重
局望彼美之女兮安得感予心之未寧

淋池歌

秋素景兮泛洪波揮纖手兮折菱荷涼風淒淒揚棹歌
雲光開曙月低河萬歲為樂豈云多

李延年歌

北方有佳人絕世而獨立一顧傾人城再顧傾人國寧
不知傾城與傾國佳人難再得

楊惲拊缶歌

田彼南山蕪穢不治種一頃豆落而為某人生行樂耳
須富貴何時

烏孫公主悲愁歌

吾家嫁我兮天一方遠托異國兮烏孫王穹廬為室兮
欽定四庫全書

石金鹿代詩選

三

種為牆以肉為食兮醢為漿居常土思兮心內傷願為
黃鵠兮歸故鄉

馬援武溪深行

滔滔武溪一何深鳥飛不渡獸不敢臨嗟哉武溪多毒
淫

梁鴻五噫歌

陟彼北邙兮噫瞻顧帝京兮噫宮闕崔巍兮噫民之劬
勞兮噫遼遼未央兮噫

張衡定情歌

大火流兮草蟲鳴
驚霜降兮草木零
秋為期兮時已征
思美人兮愁屏營

四愁詩

一思曰我所思兮在泰山
欲往從之梁父艱
側身東望涕霑翰
美人贈我金錯刀
何以報之英瓊瑤
路遠莫致倚道遙
何為懷憂心煩勞

二思曰我所思兮在桂林
欲往從之湘水深
側身南望欽定四庫全書
石倉歷代詩選
卷一
三

涕霑襟
美人贈我金琅玕
何以報之雙玉盤
路遠莫致倚惆悵
何為懷憂心煩傷

三思曰我所思兮在漢陽
欲往從之隴阪長
側身西望涕霑裳
美人贈我貂襜褕
何以報之明月珠
路遠莫致倚踟躕
何為懷憂心煩紆

四思曰我所思兮在雁門
欲往從之雪雰雰
側身北望涕霑巾
美人贈我錦繡段
何以報之青玉案
路遠莫致倚增歎
何為懷憂心煩惋

蘇伯玉妻盤中詩

山樹高鳥鳴
悲泉水深鯉魚肥
空倉鵲常苦飢
吏人婦會夫希
出門望見白衣謂當是
而更非
還入門中心悲
北上堂西入階
急機絞杆聲催長歎
息當告誰
君有行妾念之
出有日還無期
結巾帶長相思
君忘妾未知之
妾忘君罪當治
黃者金白者玉
高者山深者谷
姓者蘇字伯玉
人才多智謀
足家居長安
身在蜀何惜馬蹄歸
不數羊肉千斤酒
百斛令君馬肥
麥與粟

欽定四庫全書

石倉歷代詩選
卷一

悲歌

悲歌可以當泣
遠望可以當歸
思念故鄉
鬱鬱累累欲歸家
無人欲渡河
無船心
思不能言
腸中車輪轉

古五雜組詩

五雜組
固頭草
往復還
車馬道
不獲已
人將老

石倉歷代詩選卷一